



Broj: 01/V-14-326/15  
Datum: 23.01.2015.godine

Na osnovu člana 30. Statuta općine Cazin ("Službene novine općine Cazin", broj: 13/10) i člana 160.-161. Poslovnika o radu Općinskog vijeća općine Cazin, Statutarna komisija na sjednici održanoj 23.01.2015.godine, utvrdila je prečišćeni tekst Odluke o komunalnim taksama i Tarifi komunalnih taksi.

**Prečišćeni tekst obuhvata:**

Odluku o komunalnim taksama i tarifi komunalnih taksi („Službene novine općine Cazin“, broj: 12/10), Odluku o izmjenama i dopunama Odluke o komunalnim taksama i tarifi komunalnih taksi („Službene novine općine Cazin“, broj: 13/10) Odluku o izmjenama i dopunama Odluke o komunalnim taksama i tarifi komunalnih taksi („Službene novine općine Cazin“, broj: 1/11), Odluku o izmjenama i dopunama Odluke o komunalnim taksama i tarifi komunalnih taksi („Službene novine općine Cazin“, broj: 2/11), Odluku o izmjenama i dopunama Odluke o komunalnim taksama i tarifi komunalnih taksi („Službene novine općine Cazin“, broj: 3/13) , Odluku o izmjenama i dopunama Odluke o komunalnim taksama i tarifi komunalnih taksi („Službene novine općine Cazin“, broj: 10/13) i Odluku o izmjenama i dopunama Odluke o komunalnim taksama i tarifi komunalnih taksi („Službene novine općine Cazin“, broj: 13/13) u kojima je označen dan stupanja na snagu tih Odluka.

**ODLUKU  
O KOMUNALNIM TAKSAMA I TARIFI KOMUNALNIH TAKSI**

**(prečišćeni tekst)**

**I OPĆE ODREDBE**

**Član 1.**

Ovom Odlukom propisuju se komunalne takse, njihova visina i način plaćanja na području općine Cazin (u daljem tekstu: Općina).

**Član 2.**

Komunalne takse plaćaju se za korištenje predmeta, prostora ili pružanja usluga za čije korištenje je propisano plaćanje komunalne takse.

**Član 3.**

Komunalne takse (u daljem tekstu : takse) plaćaju se za:

1. Istaknutu firmu,
2. Reklamne natpise,
3. Privremeno zauzimanje javnih površina,
4. Prodaju roba ili pružanje usluga izvan poslovnih prostorija,
5. 5a. Priređivanje igara na bilijar stolovima, fliperima, pikadu i dr. sredstvima,
6. 5b. Priređivanje igara kladjenja na sportske rezultate i druge neizvjesne događaje( lutrija, loto, TV bingo) ,
7. 5c. Priređivanje igara na sreću putem elektronskih ili mehaničkih mašina i automatima (slot mašine)
6. Organizovanje i držanje žive muzike u ugostiteljskim objektima
7. Korištenje prostora za kampove
8. Za postavljanje podzemnih i nadzemnih instalacija.
9. Pružanje usluga kablovske televizije,
10. Korištenje uređaja za pružanje usluga mobilne telefonije,
11. Korištenje uređaja za pružanje usluga bežičnog interneta.
12. Korištenje uređaja kojima se vrši prenos električne energije.

#### Član 4.

1. **Pod istaknutom firmom** u smislu ove Odluke podrazumijeva se ime pod kojim registrovano pravno ili fizičko lice posluje.
2. **Pod reklamnim natpisima** u smislu ove Odluke podrazumijevaju se sve vrste istaknutih natpisa na području Općine kojim se reklamiraju proizvodi, usluge i dobra ili trgovački, proizvođački ili uslužni brendovi.
3. **Pod zauzimanjem javnih površina** u smislu ove Odluke podrazumijeva se zauzimanje istih za održavanje javnih manifestacija uz naplatu ulaznica (koncerti, video projekcije i sl.), komercijalnih prezentacija i prigodnih prodaja dobara.
4. **Pod prodajom roba i pružanjem usluga izvan poslovnih prostorija** u smislu ove Odluke podrazumijeva se pružanje ugostiteljskih usluga u ljetnim baštama, izlaganje roba u vitrinama, prodaju roba na pokretnim stolovima, postavljanje i korištenje bankomata i aparata za prodaju proizvoda u originalnom pakovanju i pružanje ugostiteljskih usluga.
- 5a. **Pod priređivanjem igara na bilijar stolovima, fliperima, pikadu i dr. sredstvima za igre** podrazumijeva se priređivanje igara na navedenim sredstvima.
- 5b. **Pod priređivanjem igara kladenja na sportske rezultate i druge neizvjesne događaje( lutrija, loto, TV bingo)** podrazumijeva se svako mjesto na kojem se iste odvijaju ili vrši prodaja igara na sreću.
- 5c. **Pod priređivanjem igara na sreću putem elektronskih ili mehaničkih mašina i automatima (slot mašine)** podrazumijeva se priređivanje igara putem elektronskih ili mehaničkih aparata koji tokom igre omogućuju igraču dobitak u novcu ili žetonima koji su naplativi u novcu, priređivanje igre na automatima u posebnim klubovima s mogućnošću višestrukog uloga i dobitka.
6. **Pod organizovanjem i držanjem žive muzike u ugostiteljskim objektima otvorenog i zatvorenog tipa** u smislu ove Odluke podrazumijeva se povremeno ili svakodnevno izvođenje muzičkog programa uz pružanje ugostiteljskih usluga.
7. **Pod korištenjem prostora za kampove** u smislu ove Odluke podrazumijeva se korištenje slobodnih površina za kampove (šatori, prikolice, automobili) i drugu privremenu upotrebu slobodnih površina.
8. **Pod postavljanjem nadzemnih i podzemnih instalacija** u smislu ove Odluke podrazumijeva se izgradnja trase dalekovoda, PTT mreže, elektromreže, kablovske i sl.
9. **Pod pružanjem usluga kablovske televizije** u smislu ove Odluke podrazumijeva se prijenos radio i TV signala kablovskim putem do krajnjeg korisnika usluga.
10. **Pod korištenjem uređaja za pružanje usluga mobilne telefonije** u smislu ove Odluke podrazumijevaju se sljedeći uređaji i oprema: bazne stanice mobilne telefonije, mikrobazne stanice mobilne telefonije, predajnici (pasivni repetitori), antena i stubovi.
11. **Pod korištenjem uređaja za pružanje usluga bežičnog interneta** u smislu ove Odluke podrazumijevaju se sljedeći uređaji i oprema: bazne stanice za bežični internet, mikrobazne stanice, predajnici (pasivni repetitori), antena i stubovi.
12. **Pod korištenjem uređaja kojima se vrši prenos električne energije** u smislu ove Odluke podrazumijevaju se sljedeći uređaji i opreme: trafo stanice 110/20/35 kV, trafostanice 110/20/20 kV, trafo stanice 10(20)0,4 kV i stubne trafo stanice.

#### Član 5.

Obveznik takse je pravno i fizičko lice koje koristi predmet, prostor ili pruža uslugu za čije korištenje je propisano plaćanje takse. Ako za istu taksu postoje dva ili više obveznika njihova obaveza je solidarna.

#### Član 6.

Visina taksa utvrđuje se tarifom komunalnih taksa (u daljem tekstu: tarifa) koja je sastavni dio ove Odluke.

#### Član 7.

Taksena obaveza nastaje u trenutku kad se počinje koristiti predmet, prostor ili pružati usluga za čije korištenje je propisano plaćanje takse.

Korištenje predmeta, prostora ili pružanje usluga iz stava 1 ovog člana nastaje:

1. danom pravosnažnosti rješenja o odobrenju obavljanja djelatnosti kada su u pitanju fizička lica,
2. danom pravosnažnosti rješenja o ispunjavanju minimalno tehničkih i drugih uslova za pravna lica koja su po Zakonu obavezna pribaviti rješenje nadležnog organa,
3. danom dostavljanja obavijesti o početku obavljanja djelatnosti nadležnom organu i

4. i na drugi način kad se utvrdi da postoji korištenje predmeta, prostora ili pružanje usluga za čije korištenje je propisano plaćanje takse.

Obveznik takse dužan je prije početka korištenja predmeta, prostora ili usluge za čije korištenje je ovom Odlukom propisano plaćanje takse na propisanom obrascu podnijeti prijavu:

- za komunalnu taksu iz člana 3. tačka 1., 5a., 5c. - Poreznoj upravi – Ispostava Cazin,
- za komunalnu taksu iz istog člana, tačka 2., 3., 4., 5b., 6. , 7., 8., 9., 10., 11. i 12. nadležnom općinskom organu uprave nadležnom za izdavanje odobrenja za upotrebu predmeta, prostora ili pružanja usluga (Služba za urbanizam i zaštitu okoliša) za čije korištenje je propisano plaćanje komunalne takse (u daljem tekstu: nadležni općinski organ).

#### **Član 8.**

Taksa se plaća na način i u rokovima propisanim ovom Odlukom.

#### **Član 9.**

Prihodi od taksi uplaćuju se na račun javnih prihoda općinskog budžeta općine Cazin putem poslovne banke.

## **II PODNOŠENJE PRIJAVE RAZREZ I NAPLATA TAKSE**

#### **Član 10.**

Porezna uprava Federacije BiH nadležna je za naplatu taksi u skladu sa ovom Odlukom i Zakonom o poreznoj upravi Federacije BiH.

Obveznik komunalne takse dužan je podnijeti prijavu za razrez komunalne takse, na obrascima čiji sadržaj propisuje Općinski načelnik.

#### **Član 10a.**

Obaveznik komunalne takse dužan je prijavu za razrez komunalne takse iz člana 3. tačka 1., 5a., 5c. ove Odluke podnijeti Poreznoj upravi – Ispostava Cazin, a obaveznik komunalne takse iz člana 3. tačka 2., 3., 4., 5b., 6., 7., 8., 9., 10., 11. i 12. ove Odluke prijavu za razrez takse podnosi nadležnom općinskom organu uprave.

#### **Član 11.**

Prijava za razrez takse iz prethodnog člana podnosi se do 28. februara tekuće godine za koju se razrez vrši za takse čiji je iznos utvrđen za period od 1 godine.

Promjene nastale poslije 1. januara tekuće godine, odnosno u toku godine, takseni obveznik dužan je prijaviti ovisno od nadležnosti Poreznoj upravi ili nadležnom općinskom organu uprave najkasnije u roku od 15 dana od dana nastanka promjene.

Rok za prijavu ostalih taksa je 3 dana prije početka korištenja predmeta, prostora ili pružanje usluga za čije je korištenje propisano plaćanje takse.

Fizičke i pravne osobe koje u toku godine u smislu odredaba ove Odluke postanu obveznici takse, plaćaju taksu u iznosu koji je srazmjernan vremenu od dana nastanka taksene obaveze do kraja tekuće godine.

#### **Član 12.**

Taksene prijave moraju biti potpune i podnesene u roku. Porezna uprava ima ovlaštenje da podnese prijavu za plaćanje takse iz slučajeva iz člana 3. tačka 1., 5a., 5c. ove Odluke u ime taksenog obveznika, ako obveznik takse nije podnio prijavu u roku od 15 dana od roka utvrđenog članom 11. ove Odluke.

Nadležni općinski organ uprave će po službenoj dužnosti rješenjem utvrditi obavezu plaćanja takse ako obveznik takse iz člana 3. tačka 2., 3., 4., 5b., 6. , 7., 8., 9., 10., 11. i 12. nije podnio prijavu u roku od 30 dana od roka utvrđenog članom 11. ove Odluke, nadležni općinski organ uprave će rješenjem utvrditi obavezu plaćanja takse.

#### **Član 13.**

Nadležni općinski organ uprave, JU "Komunalno – stambeni fond" Cazin, JKP "Čistoća" Cazin, policijski i inspekcijiski organi dužni su mjesečno Poreznoj upravi dostavljati podatke, odobrenja i informacije o korištenju predmeta, prostora i usluga od značaja za evidentiranje, razrez i naplatu takse.

#### **Član 14.**

Rokovi za plaćanje komunalne takse su:

- za istaknutu firmu, reklamne natpise, priređivanje igara na bilijar stolovima, fliperima, pikadu i dr. sredstvima, priređivanje igara kladenja na sportske rezultate i druge neizvjesne događaje (lutrija, loto, TV bingo) i priređivanje igara na sreću putem elektronskih ili mehaničkih mašina i automatima (slot mašine), – taksa se plaća godišnje unaprijed (početkom kalendarske godine za poslovnu godinu) – po podnošenju prijave.
- za privremeno zauzimanje javnih površina, prodaju roba ili pružanje usluga izvan poslovnih prostorija, organiziranje i držanje žive muzike u ugostiteljskim objektima, korištenje prostora za kampove, za postavljanje podzemnih i nadzemnih instalacija, pružanje usluga kablovske televizije, korištenje uređaja za pružanje usluga mobilne telefonije, korištenje uređaja za pružanje usluga bežičnog interneta i korištenje uređaja kojima se vrši prenos električne energije – taksa se plaća po podnošenju prijave.

#### **Član 15.**

Porezna uprava – Ispostava Cazin je dužna Službi za finansije i računovodstvo Općine Cazin, mjesečno dostavljati primjerak taksene prijave koju su podnijeli obveznici plaćanja takse za korištenje predmeta, prostora ili pružanja usluga, a za čije korištenje je propisana taksa ovom Odlukom.

### **III POVRAT TAKSE**

#### **Član 16.**

Lice koje je platilo taksu koju po odredbama ove Odluke nije bilo dužno da plati, kao i lice koje je preplatilo taksu ima pravo na povrat sredstava na osnovu zahtjeva koji podnosi:

- Poreznoj upravi – Ispostava Cazin za komunalnu taksu iz člana 3. tačka 1., 5a., 5c. .,
- Nadležnom općinskom organu uprave za komunalnu taksu iz istog člana, tačka 2., 3., 4., 5b., 6., 7., 8., 9., 10., 11. i 12.

Porezna uprava i nadležni općinski organ uprave će po osnovu zahtjeva iz stava 1. ovog člana donijeti rješenje u roku od 30 dana po primitku zahtjeva za povrat sredstava.

#### **Član 17.**

U dijelu razreza taksi, naplate, zastare, povrata i ostalih radnji koje nisu posebno regulisane ovom Odlukom Porezna uprava će primjenjivati odredbe Zakona o poreznoj upravi., a nadležni općinski organ primjenjivat će odredbe Zakona o upravnom postupku.

### **IV OSLOBAĐANJE OD PLAĆANJA TAKSE**

#### **Član 18.**

##### **Od plaćanja takse oslobođeni su:**

1. Organi i tijela državne, federalne, kantonalne i općinske vlasti.
2. Fizička lica koja se bave poljoprivrednom proizvodnjom i obrtnici iz Uredbe o zaštiti starih tradicionalnih zanata («Sl. novine Federacije Bosne i Hercegovine», br.66/09 i 38/10).
3. Javne ustanove iz oblasti: prosvjete, nauke, kulture, zaštite kulturne i prirodne baštine, sporta, zdravstva, veterinarstva, socijalne zaštite, humanitarne, vjerske i dobrotvorne organizacije za ostvarivanje ciljeva iz osnovne djelatnosti za koje su registrovani, predškolskog obrazovanja uključujući privatne predškolske ustanove sa registrovanom djelatnosti (šifra 80.101 - predškolsko obrazovanje).
4. Boračke organizacije i udruženja proistekla iz odbrambeno – oslobodilačkog rata i organizacije civilnih žrtava rata za ostvarivanje ciljeva iz osnovne djelatnosti za koje su registrirani.

#### **Član 19.**

Pored oslobađanja iz prethodnog člana, od obaveze plaćanja takse za istaknutu firmu oslobađaju se fizička i pravna lica koja registruju proizvodne djelatnosti i to:

- za prve dvije godine 100%
- za treću godinu 50% od ukupnog iznosa taksene obaveze.

### **V NAČIN UTVRĐIVANJA VISINE KOMUNALNE TAKSE**

#### **Član 20.**

U postupku utvrđivanja visine takse na području općine Cazin kao opći kriteriji uzimaju se:

1. površina prostora po m<sup>2</sup> koja se koristi
2. zone utvrđene ovom Odlukom u kojima se koriste predmeti, prostori ili pružaju usluge
3. dužina optičkog kabla
4. broj stupova.

Područje općine Cazin shodno tački 2.ovog člana dijeli se u 3 zone i to:

**A) I Zona**

Obuhvat Urbanističkog plana grada Cazina, te obuhvat uz Magistralnu cestu van urbanog područja grada Cazin u širini od 100 m s obje strane mjereno od ivice kolovoza, lijevo i desno do granice sa općinama Velika Kladuša i Bihać.

**B) II Zona**

Obuhvat uz Regionalnu cestu van urbanog područja grada Cazin u širini od 100 m s obje strane mjereno od ivice kolovoza, lijevo i desno do granice sa općinama Bihać, Bosanska Krupa, Bužim i Velika Kladuša.

**C) III Zona**

Sva područja koja nisu u obuhvatu I i II zone.

**VI TARIFE KOMUNALNIH TAKSA**

**Član 21.**

**TARIFA br. 1  
(istaknuta firma)**

Pod površinom prostora u smislu ove Odluke, za utvrđivanje iznosa takse za istaknutu firmu, podrazumijeva se poslovni prostor utvrđen rješenjem nadležnog organa kojim su utvrđeni tehnički i drugi uslovi za obavljanje registrovane djelatnosti.

Taksa za istaknutu firmu u I zoni utvrđuje se:

- do 25 m<sup>2</sup> korisne površine prostora.....150,00 KM/godišnje
- od 25 m<sup>2</sup> do 50 m<sup>2</sup> korisne površine prostora.....200,00 KM/godišnje
- od 50 m<sup>2</sup> do 100 m<sup>2</sup> korisne površine prostora ..... 300,00 KM/godišnje
- preko 100 m<sup>2</sup> korisne površine prostora, taksa se utvrđuje na način da se iznosu od 300 KM za 100 m<sup>2</sup> korisne površine prostora zbraja iznos od 0,5 KM za svaki naredni m<sup>2</sup> korisne površine prostora.

Taksa za istaknutu firmu u II zoni utvrđuje se:

- do 25 m<sup>2</sup> korisne površine.....100,00 KM/godišnje
- od 25 m<sup>2</sup> do 50 m<sup>2</sup> korisne površine prostora .....150,00 KM/godišnje
- od 50 m<sup>2</sup> do 100 m<sup>2</sup> korisne površine prostora .....250,00 KM/godišnje
- preko 100 m<sup>2</sup> korisne površine prostora, taksa se utvrđuje na način da se iznosu od 250 KM za 100 m<sup>2</sup> korisne površine prostora zbraja iznos od 0,5 KM za svaki naredni m<sup>2</sup> korisne površine prostora.

Taksa za istaknutu firmu u trećoj zoni umanjuje se za 20%, od iznosa utvrđenog u II zoni.

Za poslovne aktivnosti za koje nije propisano postojanje poslovne prostorije plaća se:

- eksploatacija dolomita..... 2500,00 KM/godišnje
- eksploatacija šljunka .....1.000,00 KM/godišnje
- ostale mineralne sirovine.....1.000,00 KM/godišnje
- građevinarstvo (visokogradnje i niskogradnja)..... 900,00 KM/godišnje
- prerada drveta.....600,00 KM/godišnje
- proizvodnja asfalta i betona .....600,00 KM/godišnje
- poslovanje nekretninama i iznajmljivanje ..... 800,00 KM/godišnje
- ostale aktivnosti kojima nije uslov postojanje poslovne prostorije.....100,00 KM/godišnje

**TARIFA br. 2  
(reklamni natpisi)**

Taksa za reklamne natpise u zoni I se utvrđuje:

- za reklamni natpis površine do 2 m<sup>2</sup> ..... 36,00 KM po m<sup>2</sup> godišnje
- za reklamni natpis od 2 m<sup>2</sup> do 6 m<sup>2</sup> ..... 30,00 KM po m<sup>2</sup> godišnje
- za reklamni natpis od 6 m<sup>2</sup> do 10 m<sup>2</sup> ..... 27,00 KM po m<sup>2</sup> godišnje
- za reklamni natpis preko 10 m<sup>2</sup> .....24,00 KM po m<sup>2</sup> godišnje

- za isticanje reklamnog natpisa na tendama komadu ..... 60,00 KM/ godišnje
- za WALLSCAPE (reklamni natpis na fasadi zgrade) površine do 20 m<sup>2</sup> po komadu  
.....240,00 KM/ godišnje
- za WALLSCAPE (reklamni natpis na fasadi zgrade) površine preko 20 m<sup>2</sup> po komadu  
.....300,00 KM/ godišnje

Taksa za reklamne natpise u zoni II se utvrđuje:

- za reklamni natpis površine do 2 m<sup>2</sup> ..... 30,00 KM po m<sup>2</sup> godišnje
- za reklamni natpis od 2 m<sup>2</sup> do 6 m<sup>2</sup> ..... 27,00 KM po m<sup>2</sup> godišnje
- za reklamni natpis od 6 m<sup>2</sup> do 10 m<sup>2</sup> ..... 21,00 KM po m<sup>2</sup> godišnje
- za reklamni natpis preko 10 m<sup>2</sup> .....18,00 KM po m<sup>2</sup> godišnje
- za isticanje reklamnog natpisa na tendama po komadu.....50,00 KM/ godišnje
- za reklamu istaknutu na fasadi zgrade površine do 20 m<sup>2</sup> po komadu.....180,00 KM/ godišnje
- za reklamu istaknutu na fasadi zgrade površine preko 20 m<sup>2</sup> po komadu.....240,00 KM/ godišnje

Taksa za istaknute reklamne natpise u III zoni umanjuje se za 20% od iznosa utvrđenog u II zoni.

### TARIFA br. 3

- a) komercijalnih prezentacija i prigodnih prodaja proizvoda .....5,00 KM / m<sup>2</sup> dnevno

### TARIFA br. 4

#### (prodaja roba ili pružanje usluga izvan poslovnih prostorija)

- a) za pružanje ugostiteljskih usluga van ugostiteljskih objekata plaća se u vrijeme sezone od 01.05. do 01.10:

- u I zoni .....5,00 KM/m<sup>2</sup> mjesečno
- u II zoni ..... 4,00 KM/m<sup>2</sup> mjesečno
- u III zoni..... 3,00 KM/m<sup>2</sup> mjesečno

- b) za usluge iz tačke a) van sezone paušalno se plaća :

- u I zoni .....4,00 KM/m<sup>2</sup> mjesečno
- u II zoni.....3,00 KM / m<sup>2</sup> mjesečno
- u III zoni .....2,00 KM / m<sup>2</sup> mjesečno

- c) za držanje vitrina radi izlaganja i prodaje roba izvan poslovnih prostora plaća se :

- u I zoni .....120,00 KM /mjesečno
- u II zoni ..... 100,00 KM /mjesečno
- u III zoni ..... 60,00 KM / mjesečno

- d) za postavljanje pokretnih stolova radi prodaje na period duži od jednog mjeseca:

- u I zoni .....120,00 KM /mjesečno
- u II zoni ..... 100,00 KM /mjesečno
- u III zoni ..... 60,00 KM / mjesečno

- e) za postavljanje i korištenje bankomata :

- u I zoni .....1.000,00 KM/ godišnje po bankomatu
- u II zoni ..... 700,00 KM/ godišnje po bankomatu
- u III zoni ..... 500,00 KM/ godišnje po bankomatu

- f) za postavljanje i korištenje aparata za prodaju originalnih proizvoda i pružanje usluga:

- u I zoni .....400,00 KM/ godišnje po aparatu
- u II zoni ..... 300,00 KM/ godišnje po aparatu
- u III zoni ..... 200,00 KM/ godišnje po aparatu

### TARIFA br. 5

#### (priređivanje zabavnih igara i igara na sreću )

- a) priređivanje igara na bilijar stolovima, fliperima, pikadu i dr. sredstvima:

- u I zoni ..... 60,00 KM/ po komadu godišnje
- u II zoni ..... 50,00 KM/ po komadu godišnje

- u III zoni..... 30,00 KM/ po komadu godišnje

b) priređivanje igara kladjenja na sportske rezultate i druge neizvjesne događaje ( lutrija, loto, TV bingo):

- u I zoni..... 700,00 KM/ po mjestu priređivanja mjesečno
- - u II zoni.. ..... 550,00 KM/ po mjestu priređivanja mjesečno
- u III zoni..... 400,00 KM/ po mjestu priređivanja mjesečno
- a za pružanje usluga prodaje listića igara na sreću na ulazima u trgovačke centre, markete i sl.taksa po mjestu prodaje mjesečno iznosi 10% od navedene u ovisnosti od zone“

c) priređivanje igara na sreću putem elektronskih ili mehaničkih mašina i automatima (slot mašine):

- u I zoni..... 600,00 KM/ po aparatu godišnje, s tim da vlasnik aparata koji posjeduje više od 10 aparata na području općine Cazin u zoni I za svaki naredni aparat plaća 360,00 KM/ po aparatu godišnje,
- u II zoni..... 500,00 KM/ po aparatu godišnje, s tim da vlasnik aparata koji posjeduje više od 10 aparata na području općine Cazin u zoni II za svaki naredni aparat plaća 300,00 KM/ po aparatu godišnje,
- u III zoni..... 400,00 KM/ po aparatu godišnje, s tim da vlasnik aparata koji posjeduje više od 10 aparata na području općine Cazin u zoni III za svaki naredni aparat plaća 250,00 KM/ po aparatu godišnje.

#### **TARIFA br. 6.**

##### **(organizovanje i držanje žive muzike u ugostiteljskim objektima)**

- Za držanje muzike uživo u ugostiteljskim objektima otvorenog ili zatvorenog tipa mjesečno ..... 400,00 KM.
- Za držanje muzike uživo u ugostiteljskim objektima otvorenog ili zatvorenog tipa po jednom danu..... 100,00 KM.
- Za držanje muzike uživo u ugostiteljskim objektima otvorenog ili zatvorenog tipa tokom praznika ..... 250,00 KM
- Za održavanje ostalih sadržaja zabavnog karaktera (cirkus, luna – park i slično) na otvorenim i zatvorenim prostorima .....0,50 KM/m<sup>2</sup>.

#### **TARIFA br. 7.**

##### **(korištenje prostora za kampove)**

Za korištenje slobodnih površina za kampove(šatori,prikolice,automobili) i drugu privremenu upotrebu plaća se:

- za svaki šator.....1,00 KM/dnevno
- za prikolicu.....3,00 KM/dnevno
- za automobil.....2,00 KM/dnevno

#### **TARIFA br. 8.**

- a) Za izgrađene trase dalekovoda, PTT mreže, elektromreže i slično (nadzemne i podzemne instalacije) po 1 metru dužnom mreže ..... 0,20 KM/godišnje
- b) Za stubove ulične rasvjete koji su u vlasništvu općine Cazin, a koji se koriste za potrebe kablovske televizije plaća se godišnja taksa u iznosu od..... 10,00 KM/stubu.

#### **TARIFA br. 9.**

Za organizovanje korida i konjičkih sportskih manifestacija-štraparijada na području općine Cazin plaća se taksa u izosu od 500,00 KM/dnevno.

#### **TARIFA br. 10.**

Za organizovanje autopijaca na području općine Cazin plaća se taksa u izosu od 1.500,00 KM/godišnje.

#### **TARIFA br. 11.**

##### **(korištenje uređaja za pružanje usluga mobilne telefonije)**

- a) bazne stanice mobilne telefonije ..... 10.000,00 KM/godišnje

- b) mikrobazne stanice mobilne telefonije ..... 5.000,00 KM/godišnje
- c) predajnici (pasivni repetitori) ..... 2.000,00 KM/godišnje
- d) antena i stubovi ..... 1.000,00 KM/godišnje

Obračun komunalne takse se vrši za svaki uređaj (opremu) mobilnog operatera na svakoj pojedinačnoj lokaciji na kojoj je instaliran uređaj (oprema) mobilnog operatera na području općine Cazin.

#### **TARIFA br. 12.**

##### **(korištenje uređaja za pružanje usluga bežičnog interneta)**

- a) bazne stanice za bežični internet ..... 2.000,00 KM/godišnje
- b) mikrobazne stanice za bežični internet ..... 1.000,00 KM/godišnje
- c) predajnici (pasivni repetitori) ..... 500,00 KM/godišnje
- d) antena i stubovi ..... 300,00 KM/godišnje

Obračun komunalne takse se vrši za svaki uređaj (opremu) bežičnog interneta na svakoj pojedinačnoj lokaciji na kojoj je instaliran uređaj (oprema) bežičnog interneta operatera na području općine Cazin.

#### **TARIFA br. 13.**

##### **(korištenje uređaja kojima se vrši prenos električne energije)**

- a) trafo stanice 110/20/35 kV ..... 25.000,00 KM/godišnje
- b) trafo stanice 110/20/10 kV ..... 20.000,00 KM/godišnje
- c) trafo stanice 10(20)0,4 kV ..... 1.000,00 KM/godišnje
- d) stubne trafostanice ..... 500,00 KM/godišnje

Obračun komunalne takse se vrši za svaki uređaj (opremu) električne energije na svakoj pojedinačnoj lokaciji na kojoj je instaliran uređaj (oprema) za prenos električne energije na području općine Cazin.

### **VII NADZOR**

#### **Član 22.**

Upravni nadzor nad provođenjem ove Odluke vrši općinski organ uprave nadležan za komunalne poslove, a inspekcijski nadzor vrši komunalna inspekcija i komunalni redari.

### **VIII KAZNENE ODREDBE**

#### **Član 23.**

Novčanom kaznom u iznosu od 2000 KM kazniće se za prekršaj pravno lice koje u roku propisanom ovom Odlukom ne prijavi taksu.

Novčanom kaznom u iznosu od 1000 KM kazniće se za prekršaj odgovorno lice u pravnom licu koje u roku propisanom ovom Odlukom ne prijavi taksu.

Novčanom kaznom u iznosu od 500 KM kazniće se za prekršaj fizičko lice koje u roku propisanom ovom Odlukom ne prijavi taksu.

### **IX PRELAZNE I ZAVRŠNE ODREDBE**

#### **Član 24.**

Prečišćeni tekst Odluke o komunalnim taksama i tarifi komunalnih taksi se primjenjuje od dana kad je objavljen u "Službenim novinama Općine Cazin".

Dostavljeno:

1. Općinskom pravobranilaštvu,
2. Općinskom načelniku,
3. Službi za stručne poslove Ov-a 2x,
4. Službi za finansije 3x,
5. Službi za urbanizam 2x,
6. Porezna uprava Cazin,
7. Službene novine,
8. Evidencija,
9. Arhiva.-

PREDSJEDNIK STATUTARNE KOMISIJE

\_\_\_\_\_  
Beganović Sabina